



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 23. Alensonii Dux comprehensus, atque inclusus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Secul. XV.
A.C. 1456.

in confinibus Hannoniæ quarto ab urbe Bruxellensi lapide distitum deduxit, illudque pro diversorio eidem concessit. Verum nec cuncta ista, quæ in hac regione acceperat, officiorum genera Delphini animum cohibere poterant, quin paulo post inter Proceres dissidia, factionesque seminaret; præterea a Burgundiæ Duce copias petiit, ut Regem Patrem suum aggrediretur, eumque, uti jactitabat, cogeret, ut a Senatu suo illos Viros, qui Regis benevolentia abuterentur, expelleret; quod sane frivolum non minus, quam ridiculum erat Filii consilium. Delphino Dux perquam sapienter reposuit, omnia sua ad ipsius obsequia præsto esse, dummodo nihil peteret, quod Franciæ saluti adversaretur; ceterum nec sui, nec Delphini muneris esse, Regis Senatum emendare, ac ideo optimum videri utriusque consilium, si totum negotium Regiæ suæ Majestatis arbitrio relinqueretur.

§. XXIII.

Alenfonii Dux comprehensus, atque inclusus.

*Joa. Chart.
Hist. Car.
VII. p. 287.*

Hoc eodem anno in festo Corporis Christi Dunensis Comes Regis jussu Alenfonii Comitem Franciæ Parem, ejusdemque Regis amicum Lochiæ comprehen-

prehendit, captumque Melodunum abduxit, ut Connestabilis ibidem ejus causam discuteret; accusabatur enim, quod Anglos ad iteratam in Gallias eruptionem sollicitasset, quin imo cum Angliæ Rege fœdus pepigisset, quo eidem transitum in Normanniam per urbes, quas ad oram maris possideret, se daturum pollicitus esset. Ad hæc Comes Connestabili respondere recusabat, ab ipso Rege audiri postulans, ad quem etiam perductus, prolixum cum eo sermonem habuit, haud feliciore tamen successu, quam quod soluto colloquio rursus ad carceres suos deductus esset, ubi solido biennio hæsit, discussis interea causæ suæ actis, quibus tandem debite instructis, Carolus VII. Ducibus & Paribus sententiam ferentibus illum capite plectendum decrevit; Nihilominus mortis sententia in perpetui carceris poenam, quam in Lochiæ castro subire teneretur, commutata est.

§. XXIV.

Turbæ in Hungaria post Huniadis obitum.

Defuncto Joanne Huniade, mutata erat in Hungaria rerum facies, & pristinæ similitudines, quas Huniadis Filii adversus Ulricum Ciliæ Comitem foverant, denuo

Sæcul. XV.

A.C. 1456.